

# 說 兕 觥

孔 德 成

王靜安以似水器之匜，蓋作牛首者，以爲即文獻上酒器之觥（觀堂集林三、十二•按此類器皆無本名），數十年來，學者宗之。容希白商周彝器通攷（上、酒器、觥。頁四二三～四二九），曾舉鳧叔匜、鳳蓋匜，並以守宮作父幸觥之有勺，而疑王氏之說，然未舉另器以實之。按彝器中，無觥銘之器。然文獻上，多與兕連言（此點段玉裁亦注意及之。見說文解字注）。詩周南卷耳：「我姑酌彼兕觥。」幽風七月：「稱彼兕觥。」小雅桑扈、周頌絲衣：「兕觥其觶。」則觥者，可爲兕形，或爲兕製。兕（說文小篆作𧈧，古文作兕），山海經南山經注：「似水牛，青色，一角。」王氏所舉皆兩角之犧，且有似傳統所謂龍形者（如龍鵠紋觥、夔鳥直紋觥）。以犧、龍爲兕，即形言之，已屬不合。詩言「兕觥其觶」，鄭箋謂：「觶然陳設而已。」此解難通。按說文：「觥，角兕。」今詩作觥。觥，又可借爲「搯」。是「觥」「觥」「搯」一字。詩大雅大東：「有搯棘匕。」又：「有搯天畢。」周頌良耜：「有搯其角。」魯頌泮水：「角弓其搯。」匕也，天畢也，角也，弓也，其形皆曲，故言搯（觥同）以狀之。則兕觥其觶者，是觶亦狀兕觥之觶然而曲也。兕之體不能曲，其角乃曲，則由其狀之之辭，可知兕觥非雕兕形，而爲兕角所製。兕角觶然，觥亦如之也。說文：「觥，兕牛角，可以飲者也。」又：「其狀觥觥，故謂之觥。」又：「觥，俗觥從光。」觥觥者，後漢書郭憲傳：「關中觥觥郭子橫。」注：「剛直之貌。」三禮圖云：「以兕角爲之。」西清續鑑以角形銅器名觥。中央研究院在安陽發掘，亦得與禮圖、續鑑同形之銅器。蓋觥本以兕角爲之，故曰兕觥。以銅仿製，其形不改，「其狀觥觥」，故仍以兕觥名之也。其用與爵同，飲器也。王氏所舉，或爲早期之匜。即以守宮觥之附勺，定爲酒器；但亦只可盛酒，勺以挹之，不可以飲者也。卷耳毛傳：「觥，角爵也。」（是否專爲罰酒之爵，此不詳論。）說文亦以爲「可以飲人者」。再案之左傳昭公元年傳：「鄭人、燕人、趙孟、穆叔、子皮舉兕爵。」則兕觥亦可稱兕爵。七月：「稱彼兕觥。」稱訓爲「舉」。（見儀禮士相見禮：「聞吾子稱贊」等鄭注。）左傳（上引）亦稱「舉兕爵」，爲飲器，故言舉也。（儀禮、禮記爵、角、觶等言舉。）至卷耳：「我姑酌彼兕觥。」固與上章「我姑酌彼金盃」（盃爲盛酒之器）對言，酌可訓取（見禮記坊記鄭注），但說文云：「酌，盛酒行觴。」段玉裁注：「盛酒於觶中以飲人曰行觴。投壺云：『命酌曰：請行觴。』觶實曰觴。」（按盛酒飲人皆可曰行觴，不必專指觶言。）觶亦飲器也。「酌彼金盃」，可解爲取酒于彼金盃中。「酌彼兕觥」，則應訓盛酒飲人，以彼兕觥也。則觥爲飲器，與爵、觶等用同。其非容器，彰彰甚明。王氏之說，本於續攷古圖，惟更詳其論證耳。阮元以如爵高大蓋作犧形之器爲觥（見積古齋鐘鼎彝器款識），是祇悟其用，而忽其形制矣。今中央研究院、故宮博物院（續鑑著錄者）所藏角形之器，即兕觥也。驗之實物，徵之文獻，可無疑矣。西清所定是也。

On the Bronze Rhinoceros-Horn-Shaped  
Wine-vessel, Szu-Kuang (兕觥)

Kung, Teh-cheng

The Chinese character "Kuang" (觥) has been investigated by many scholars, but they do not know exactly what it is. According to *Shih Ching* (詩經), *Shuo Wen Chei Tzu* (說文解字) etc. in ancient Chinese literature, the author finds Szu-Kuang is a kind of bronze rhinoceros-horn-shaped wine-vessel. The horn-shaped vessels now preserved in the Academia Sinica and the Palace Museum are Szu-Kuang.